



Aningaasaqarnermut Naalakkersuisoq

Ulloq: 22. okt 2012

J.nr.: 01.31.06/12-00599

Aningaasaqarnermut Akileraartarnermullu Ataatsimiititaliap tallimangornermi ulloq 19. oktober 2012-imi aalajangiinera pillugu Naalakkersuisunut ilisimatitsineq (suliaq nr. 01.31.06/12-00599)

NUKINGINNARTOQ: INUILI-p allilerneqarnerata naammassinissaanut aningaasaliissuteqarnerunissamut qinnuteqaat

Naalakkersuisut **inassutigaa**:

- kontomi pingaarnermi 84.40.09-mi, Inuussutissarsiutitigut ilinniartitaanermut tunngasumi, suliamut nr. 030.51.013-imut, Narsami INUILI-p allineqarnissaanut tunngasumut, aningaasaliissutit 13,4 mio. koruuninik amerlineqassasut, aamma
- kontomi pingaarnermi 87.72.21-imi, Inissanik kommuninit attartortitassanik tapiissutitalimmik sanaartornermut tunngasumi, suliassamut nr. 996.32.110-mut, Inissanik kommuninit attartortitassanik tapiissutitalimmik 2010-mi sanaartornermut tunngasumut, aningaasaliissutit 10,0 mio. koruuninik ikilineqassasut, aamma
- kontomi pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 120.52.049-mut, Ilulissani ilinniartut inaannik sanaartornermut 2009-2011-mut tunngasumut, aningaasaliissutit 1,54 mio. koruuninik ikilineqassasut, aamma
- kontomi pingaarnermi 82.24.01-imi, Akileraartarnermi IT-mik nutaamik atuilernermut tunngasumi, suliassamut nr. 060.90.020-imut, akileraartarnermi IT-mik nutaamut tunngasumut, aningaasaliissutit 0,469 mio. koruuninik ikilineqassasut aamma
- kontomi pingaarnermi 84.40.10-mi, Kommunini atuarfinnut tunngasumi, suliassamut nr. 095.50.120-imut, Iginniarfimmi atuarfiup iluarsaanneqarneranut/allanngortiterneqarneranut/allilerneqarneranut tunngasumut, aningaasaliissutit 0,4 mio. koruuninik ikilineqassasut, aamma
- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 0,99 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Konto pingaarnermi 84.40.09-mi, Inuussutissarsiutitigut ilinniartitaanermut tunngasumi, suliamut nr. 030.51.013-imut, Narsami INUILI-p allineqarnissaanut tunngasumut, aningaasaliissutit 13,4 mio. kr.-inik amerlineqarnissaat qinnuteqarnerminni Naalakkersuisut kissaatigaat. Naalakkersuisut entreprenøritut siusinnerusukkut atorsimasaat akiliisinnaajunnaarsimavoq sanaartornermilu aqutsisumut isumaqatigiissut atorunnaarsinneqarpoq, tamannalu tunngavigalugu

sanaartugaq naammaseqqaqqullugu entreprenørinik allanik
isumaqatigiissuteqarnissaq pisariaqarluni. Tamatuma peqatigisaanik
sanaartornermut aqutsisumik eqqartuussivikkut suliaassanngortitsinissaq
piareersarneqarpoq aammalu akiliisinnaajunnaartumut
piumasaqaateqartoqarsimalluni. Taamaattumillu eqqartuussivikkut
suliaassanngortitsinissamut sanaartukkallu naammaseqarnissaanut aningaasanik
qinnuteqarnissaq pisariaqartinneqarluni. Suliap nukinginnartutut suliarineqarnissaa
kissaatigineqarpoq, taamaangippat entreprenørimit nutaamit neqeroorutip
akuerineqarnissaanut killiliunneqarsimasoq sivitsorneqartariaqassammat
piffissamullu pilersaarut isumaqatigiinniutigeqqinneqartariaqassammat.

Ataatsimiititaliap qinnuteqaat ima paasivaa; missingiut A naapertorlugu INULI-p
allilerneqarnerata naammassinissaa 28,9 mio. kr.-inik akeqartussatut
nalilerneqartoq. Konto pingaarnermi aningaasaqarpoq
atugassiissutigineqarsimanngitsunik aningaasaliissutillu 13,4 mio. kr.-it
amerlissutaat sanaartornermik suliamut tunngatillugu aningaasartuutaanerussutinut
matussusiissapput, taakkununga ilaallutik kinguaattoornermut atatillugu
siunnersortinut aningaasartuutit amerlinerat, nutaamik neqeroortitsineq aammalu
entreprenørinik nutaanik atuilerneq kiisalu sanaartornermi aqutsisup
eqqartuussivikkut suliaakkiissutigineqarnera akiliisinnaajunnaartumullu
piumasaqaateqarneq. Kiisalu entreprenørimit akiliisinnaajunnaartumit
suliarineqarsimasut nalorninartoqarsinnaasut entreprenørimit nutaamit
tiguneqarnerat immikkut aningaasartuuteqarnerunermik nassataqassaaq.

Qinnuteqaammili immikkoortut ilaat ersernerlupput, taamaattumillu taassuminnga
paasinninnermi erseqqissaateqarfiginissaa ataatsimiititaliamit
pisariaqartinneqarpoq, tamannalu ataatsimiititaliap aalajangiineranut tunngaviliivoq.
Taamatulli paasinninneq eqqunngippat Naalakkersuisut
kinguarsaanertaqanngitsumik ataatsimiititaliamut ilisimatitsissuteqassapput.

Missingersuusiornermut malittarisassami 2008-meersumi immikkoortoq 4.3
naapertorlugu Naalakkersuisut isummernissaannut tunngavissiat
missingersuutinullu ilanngussat immikkut atuarneqarsinnaasunngorlugit ilassutitut
aningaasaliissuteqarnissamik qinnuteqaatit ilusilerneqartassammata
ataatsimiititaliamit aamma eqqaasitsissutigineqassaaq.

Assersuutigalugu entreprenørinik neqerooruteqarneranni akuersinissamut ullumik
killiliisoqarsimappat taannalu Aningaasaqarnermut Ataatsimiititaliap suliamik
nukinginnartutut suliarinninnissaanut tunngavilersuutigineqarsimappat
ulluliunneqartoq paasissutissiissutigisaqqullugu Naalakkersuisut ataatsimiititaliamit
kaammatorneqarput.

Konto pingaarnermi 84.40.15-imi suliaasaq 120.52.049, Ilulissani ilinniartut inaannik
sanaartornermut 2009-2011-mut tunngasoq, aningaasanik sinneqarfiulluni
naammaseqarsimassasoq, taamaattumillu aningaasaliissutit ikilineqartut
ataatsimiititaliamit ilimagineqarpoq. Suliassamut aningaasaliissutit kontomi
pineqartumi suliaassamut allamut nuunneqannginnerat ataatsimiititaliamit

ajuusaarutigineqarpoq, ilinniartummi inaannik sanaartornissaq iluarsaanissarlu assut pisariaqartinneqarmata.

Sanaartornermi aqutsisoq isumaqatigiissutigineqarsimasumik eqquutsisisimangippat taassuma eqqartuussivikkut suliassanngortinneqarnissaanik Naalakkersuisut toqqaanerat ataatsimiititaliamit tunngaviusumik taperseerineqarsinnaavoq. Tamanna tunngavigalugu sanaartornermi aqutsisoq pineqartoq Naalakkersuisut imaluunniit INI Byggeteknik A/S sinnerlugu siunnersortitut suliassanik assigisaannilluunniit maanna ingerlatsinersoq paasissutissiissutigineqassasoq ataatsimiititaliamit kissaatigineqarpoq. Kiisalu piffissami qaninnerusumi sanaartugassatut suliassanut allanut tunngatillugu siunnersortinik pineqartunik isumaqatigiissuteqarnissaq naatsorsuutigineqarnerisooq paasissutissiissutigineqassasoq kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**. Apeqqutinut siuliani allassimasunut Naalakkersuisut akissutaat kalaallisut danskisullu ullumimit kingusinnerpaamik ullut 21-it qaangiutsinnagit nassiateqquneqarput assilinerilu uunga nassiunneqarlutik: julie@ina.gl.

Aningaasaqarnermut Ataatsimiititaliaq sinnerlugu

Andreas Uldum
Ataatsimiititaliap siulittaasua